




LEHEN HEZKUNTZA

4. MAILA

IKASLEAK

ITEM LIBERATUAK

**HIZKUNTZA
KOMUNIKAZIORAKO
KONPETENTZIA EUSKARAZ**



ISEI-IVEI
IRAKAS-SISTEMA EBALUATU
ETA IKERTZEKO ERAKUNDEA
INSTITUTO VASCO DE EVALUACIÓN
E INVESTIGACIÓN EDUCATIVA

EUSKO JAURLARITZA



GOBIERNO VASCO

HEZKUNTZA SAILA

DEPARTAMENTO DE EDUCACIÓN



EUSKO JAURLARITZA

HEZKUNTZA SAILA



GOBIERNO VASCO

DEPARTAMENTO DE EDUCACIÓN

Argitaratzailea: ISEI-IVEI

Irakas-sistema Ebaluatu eta Ikertzeko Erakundea
Asturias, 9-3^o
48015 Bilbo
Tel. 94 476 06 04
info@isei-ivei.net
<http://www.isei-ivei.hezkuntza.net>

2019ko urtarrila

AURKIBIDEA

1. HIZKUNTZA KOMUNIKAZIORAKO KONPETENTZIAREN ITEM ADIBIDEAK. EUSKARA	5
1. 1. ENTZUMENA	5
1.1. 1. Marte	5
1.1.2. Eguraldia	8
1.1.3. Marmelada	10
1. 2. IRAKURMENA	13
1.2.1. Postala	13
1.2.2. Zer da GPS-a?	17
1.2.3. Elurra	21
1.2.4. Txikibarren	24

I. HIZKUNTZA KOMUNIKAZIORAKO KONPETENTZIAREN ITEM ADIBIDEAK. EUSKARA

I. I. ENTZUMENA

I.I. I. Marte



[I Marte. mp3](#)

Audioa entzun eta galderei erantzun.

MARTE



01

Zertaz hitz egiten dute?

- A. Urari buruz.
- B. Marteri buruz.
- C. Hasieran ez da esaten.
- D. Esperimentu bati buruz.

02

Zer da beharrezkoa toki batean bizitza sortzeko?

- A. Ura.
- B. Lurra.
- C. Gizakiak.
- D. Animaliak.

03

Zertarako bidali dituzte espazio ontziak?

- A. Ilargira joateko.
- B. Marte ezagutzeko.
- C. Marten ura dagoen ala ez aztertzeko.
- D. Marten bizitza posible den jakiteko.

04

Marten ura egotekotan, nola egongo litzateke?

- A. Izoztuta lur azpian.
- B. Lakuetan, lur azpian.
- C. Planetaren itsasoetan.
- D. Ez litzateke inon egongo: Marten ez dago urik.

05

Orain arte dauden frogak, nolakoak dira?

- A. Ez dira seguruak.
- B. Onak: fidagarriak dira.
- C. Ez dago inolako frogarik.
- D. Argazki batzuk baino ez daude.

06

Aukeratu entzun duzun testurako izenburua.

- A. Ura dago Marten?
- B. Bizitza dago Marten?
- C. Esperimentu berriak Marten.
- D. Bizi ahal izango gara Marten?

07

Entzundako testua...

- A. Albistea da.
- B. Iragarkia da.
- C. Elkarrizketa da.
- D. Ipuin kontaketa da.

I.1.2. Eguraldia



[2 Eguraldia.mp3](#)

Audioa entzun eta galderei erantzun.



01

Nork eman du informazioa?

- A. Kazetari batek.
- B. Euskadi irratiak.
- C. Irratiko albistegiak.
- D. Euskalmet zerbitzuak.

02

Pirinioetan ekaitz arriskua dago baina beste leku batean ere bai. Non?

- A. Nafarroan.
- B. Hegoaldean.
- C. Ipar Euskal Herrian.
- D. Oro har, Euskal Herri osoan.

03

Zein da testuaren ideia nagusia?

- A. Oro har, euria egingo du; Pirinioetan, aldiz, eguzkitsua.
- B. Eguraldia oso eguzkitsua izango da, eta zerua guztiz urdina.
- C. Giro beroa egingo duela eta gauean ekaitz arriskua izango dela.
- D. Eguraldi nahasia egingo duela: ekaitza eta euria, hain zuzen ere.

04

Informazio zehatzagoa nahi baduzu, nora jo dezakezu?

- A. Ez dute esaten.
- B. Interneteko gune batera.
- C. Eguraldiari buruzko saioretara.
- D. Euskalmet izeneko egunkarira.

05

Zeri buruz hitz egiten da entzun duzun testuan?

- A. Ekaitz arriskuari buruz.
- B. Udako tenperaturei buruz.
- C. Pirinioetan egingo duen eguraldiari buruz.
- D. Euskal Herrian egingo duen eguraldiari buruz.

I.1.3. Marmelada



[3 Marmelada. mp3](#)

Audioa entzun eta galderei erantzun.

MARMELADA



01

Zer janari prestatuko dute ?

- A. Marmelada.
- B. Marrubi zukua.
- C. Marmelada pastela.
- D. Marrubi marmelada.

02

Nola egon behar dira marrubiak pisatzeko unean?

- A. Egosita.
- B. Zatituta.
- C. Garbituta.
- D. Txortenekin.

03

Zenbat azukre behar da marrubi kiloko, jaki hori prestatzeko?

- A. Kilo bat.
- B. Kilo erdi.
- C. 700 gramo.
- D. Kilo eta erdi.

04

Zenbat denbora egon behar dira marrubiak azukrearekin nahastuta, bol batean?

- A. 2 ordu.
- B. 3 ordu.
- C. Ordubete.
- D. Ordubete eta erdi.

05

Nola egosi behar dira marrubiak?

- A. Su motelean hasieratik.
- B. Su indartsuan denbora osoan.
- C. Suaren indarra behin eta berriro aldatuz.
- D. Hasieran su indartsuan eta gero su motelean.

06

Zer da testu hau?

- A. Errezeta.
- B. Iragarkia.
- C. Sukaldaritza albistea.
- D. Lagunen arteko elkarrizketa.

07

Zein da testu honen helburua?

- A. Marmelada zer den azaltzea.
- B. Jaki bat prestatzeko jarraibideak ematea.
- C. Marmeladaren ezaugarriak deskribatzea.
- D. Marrubiak jakirik goxoena direla arrazoitzea.

I. 2. IRAKURMENA

I.2.1. Postala



Hurrengo testua irakurri eta galderei erantzun.



Venezia, otsailak 22

Kaixo, zer moduz?

Gu oso ondo ari gara pasatzen ezkonbidaiari. Aste bete daramagu Italian eta agindu nizuen bezala, postala bidaltzen dizuet.

Orain arte zorte ona izan dugu eguraldiarekin, eguzki ederra egun guztietan.

Gaur iritsi gara hiri zoragarri honetara eta orain San Marco plazan gaude. Benetan, ikusgarria da!

Gondolaz paseatzen ibili gara patxadaz – hemen ez dago autorik! – alderdi guztiak ikusten: kanalak, zubiak, elizak, plazak, jauregiak ...

Laster bukatuko zaigu oporraldia eta zortzi egun barru bueltatuko naiz.

Ordura arte, agur eta musu bana.

Andereño Arantxa



MENDIBEHEKO
IKASTETXEA
(4.B taldeko ikasleentzat)

Pagoeta kalea, 7

48300 GERNIKA
BIZKAIA

ESPAÑA

01

Nork idatzi du postala?

- A. Marcosek.
- B. Adiskide batek.
- C. Arantxa andereñoak.
- D. Italiako neska-mutilek.

02

Non dago andereño Arantxa?

- A. Gernikan.
- B. Gondola batean.
- C. Veneziako San Marco plazan.
- D. Italiako hiri miragarri bateko Pagoeta kalean.

03

Noiz bidali du postala?

- A. Ez du zehazten.
- B. Otsailaren 22an.
- C. Italiara iritsi bezain pronto.
- D. Italiara iritsi eta hilabete bat beranduago.

04

Aukeratu testua laburtzen duen esaldia:

- A. Oporretan denbora oso azkar igarotzen da.
- B. Andereñok bere ikasleak faltan botatzen ditu.
- C. Venezia oso polita da eta ondo pasatzen ari dira.
- D. Hiri horretan ez dago autorik eta dena ikusgarria da.

05

“Benetan, ikusgarria da!”. Zergatik uste duzu erabiltzen dela harridura ikurra?

- A. Beldurtuta dagoelako.
- B. Oso haserre dagoelako.
- C. Ikusten duena oso-oso polita iruditzen zaiolako.
- D. Ikusten duena oso-oso itsusia iruditzen zaiolako.

06

Eguraldiarekin zorte ona izan dutela dio, baina noiz joan dira?

- A. Udan.
- B. Neguan.
- C. Udaberrian.
- D. Udazkenean.

07


Zertara joan da Arantxa Italiara?

- A. Lana egitera.
- B. Familia bisitatzera.
- C. Ikasleekin bidaia bat egitera.
- D. Ezkondu denez, bidaiatzera eta ondo pasatzera.

I.2.2. Zer da GPS-a?


TESTUAREN DESKRIPZIOA	
Testuaren izenburua:	Zer da GPS-a?
Erabilera esparrua:	AKADEMIKOA / DIBULGAZIOZKOA
Testuaren generoa:	AZALPENEZKOA
Iturria:	www.ibaizabal.com

Hurrengo testua irakurri eta galderei erantzun.



ZER DEMONTRE OTE DA "GPS"A?

- Aparatu horren bidez munduan egon daitekeen edozein pertsonaren, autoren, itsasontziren eta abarren posizio zehatza jakin daiteke.
- Zehaztasun handia du.
- Autoetarako GPSak edota baso ibilbideak, itsas nabigazioa... egiteko GPSak daude.
- Modernoenek errepideetako mapa zehatzak dituzte edota hitz egiten dizute, zer bide hartu behar duzun esanez.
- Aparatu oso txikiak (ukabil bat bezalakoa) eta eramangarriak dira.
- 4-10 ordu irauten duen bateria izaten dute.
- 200-300 euro balio dute.



<http://www.ibaizabal.com/txokogaztea>

01

Zergatik testuaren esaldiek daramate puntu beltz bat aurretik?

- A. Testu hauetan horrela egiten delako beti.
- B. Informazioa era argitsu eta ordenatuan emateko.
- C. Gauza oso desberdinak aipatzen direla markatzeko.
- D. Puntu horiek ez dute funtziorik: testua apaintzeko balio dute soilik.

02

Testuaren arabera, zer da zehatz-mehatz GPS-a?

- A. Pertsonak, soilik, non dauden seinalatzeko erabiltzen den aparatua.
- B. Aparatu eramangarria mapa bat pantailan duena, zehaztasun handikoa.
- C. Zein bide hartu behar den esateko balio duen aparatua eramangarri zehatza.
- D. Edozein izaki nahiz objekturen kokalekua zehazteko eta ibilbidea markatzeko balio duen aparatua.

03

Testuaren arabera, nolakoa da GPS-a?

- A. Oso-oso txikia.
- B. Karratua eta luzea.
- C. Esku itxi baten tamainakoa.
- D. Eraman daiteken poltsa baten antzekoa.

04

GPS berri-berria erosi nahi dio Ainarak amari. Zergatik?

- A. Zenbat eta modernoagoa orduan eta hobe delako.
- B. Modernoak beti zaharrak baino zehatzagoak direlako.
- C. Berri-berriek zer bide hartu behar den adierazten dutelako.
- D. Modernoek zaharrek baino iraupen handiagoko bateria dutelako.

05

GPS-aren bateriak iraun dezake...

- A. hamabi ordu.
- B. sei ordu inguru.
- C. lau ordutara ez da iristen.
- D. hamar ordu baino gehiago.

06

Non ager daiteke testu hau?

- A. Nobela batean.
- B. Entziklopedia batean.
- C. Egunkari batean: albistea da.
- D. Aldizkari batean: informazio laburra da.


07

Zeintzuk dira testuaren ideia nagusiak?

- A. Oso aparatu moderno eta txikia dela.
- B. 200 eta 300 euro bitarteko prezioa duela eta oso zehatza dela.
- C. Errepideetako mapa zehatzak dituela eta hitz egiten dizula, zer bide hartu behar duzun esanez.
- D. Aparatua daramanaren posizioa zehaztasun handiz markatzen duela eta garraiotan bereziki erabiltzeko dela.

I.2.3. Elurra

TESTUAREN DESKRIPZIOA	
Testuaren izenburua:	<i>Elurra</i>
Erabilera esparrua:	KOMUNIKABIDEAK
Testuaren generoa:	ALBISTEA
Iturria:	<i>Mendinet aldizkari digitala (moldatuta)</i>




Hurrengo testua irakurri eta galderei erantzun.

ELURRA

Mendillorri auzoa txuri-txuri geratu zen, urtarrilaren 24an, asteazkena, elurra bota zuen eta. Mendillorri txuri-txuri geratu zen. Elurra espaloietan eta errepideetan. Autoek eta autobusek arazoak izan zituzten gure auzotik bai sartzeko, bai ateratzeko.

Mendigoiti ikastetxeko ikasleak, aldiz, beraien zamarrak, botak, txanoak eta eskularruak jantzita, ttipi-ttapa eskolara arazorik gabe ailegatu ziren.



Patioan, elurrak 10 cm-ko altuera lortu zuen. Hori ikusita, 3 urteko ikasle eta irakasleak patiora jolastera atera ziren eta elurrezko panpina polit bat egin zuten (argazkiak zintzilikatuak daude gure web gunean).

Jolas garaian 5. eta 6. mailakoak patiora atera ziren. 5 urtekoak ere atera ziren; Euskal Telebistako kamerak beraiek grabatzera etorri ziren.

Baina ez zen dena poza izan. Elurra errepidean zela-eta autobusak ikasleen bila ez ziren etorri eta bi ateraldi bertan behera geratu ziren. 3. mailakoak PLANETARIUMera joan gabe geratu ziren eta 4 urtekoak KILI-KILira. Hala ere, esan beharra dago, dagoeneko talde hauen tutoreak telefonoz deika ari direla ateraldi hauetarako data berri batzuk lortzearren.

Mendinet Aldizkari digitala (egokituta)

01

Zein testu mota da hau?

- A. Albistea.
- B. Biografia.
- C. Iragarkia.
- D. Elkarriketa.

02

Heldu ziren neska-mutilak Mendigoiti eskolara?

- A. Bai, oinez.
- B. Ez, Planetariuma joan ziren.
- C. Ez, denak etorri ziren autobusez.
- D. Bai, espaloietan ez zegoen elurrik.

03

Zeintzuk izan ziren ateraldirik gabe geratu ziren ikasleak?

- A. Hiru urtekoak.
- B. 3. eta 4. mailakoak.
- C. ETBra joan behar zirenak.
- D. Lau urtekoak eta 3. mailakoak.


04

Zer kontatzen da testuan?



- A. Neguan elurra egin zuela.
- B. Eskola itxi zutela elurra egin zuelako.
- C. Elurraren ondorioz, zer gertatu zen eskolan.
- D. Elurra zela eta, autoak eta autobusak ez zirela eskolara iritsi.

I.2.4. Txikibarren

TESTUAREN DESKRIPZIOA		
Testuaren izenburua:	TXIKIBARREN	
Erabilera esparrua:	PERTSONEN ARTEKO HARREMANAK	
Testuaren generoa:	INKESTA ALDIZKARI DIGITALEAN	
Iturria:	INTERNET (MOLDATUTA)	



Hurrengo testua irakurri eta galderei erantzun.

 Biloba	?	 Amona
--	---	---

Boing katea gustatzen zait, marnazki bizidunak ematen dituztelako.	Telebistako zein saio gustatzen zaizu gehien?	Telesailak ikustea gustatzen zait.
Ez dut izenburua gogoratzen. Geronimo Stiltonen liburuak gustatzen zaizkit.	Irakurri duzun azken liburua?	“Lo que el viento se llevó” irakurtzen ari naiz orain. Etxean ez dut astirik izaten, baina plazan gustura irakurtzen dut.
Titanic etxean atzean dagoen parkea. Han egoten gara lagunekin.	Elgoibarko zein leku gustatzen zaizu gehien?	Plaza. Elgoibarko lekurik politena inuditzen zait.
Bai, futbolean jokatzeko dut bereziki. Athletic zalea naiz.	Egiten duzu kirolik?	Bai, zumba egiten dut. Apur bat galduta ibiltzen naiz, baina gustura.
Futbol zelaia berria egitea. Orain hasi dira obrak eta ondo geratuko da.	Zer eskatuko zenioke Elgoibarko alkateari?	Urazandirako igogailuren bat. Auzo horretan senideak ditut eta uste dut pixka bat lagata dagoela.
Elunna! Elur pilotak egin eta lagunekin jolasten oso ondo pasatzen dut.	Elurra ala eguzkia nahiago duzu?	Eguzkia. Niri elurra ez zait inoiz gustatu, umetan ere ez.
Norbaitek sustoa ematen didanean beldurra egiten naiz.	Zerk ematen dizu beldurra?	Errepideak. Etxekoak bidaiari joaten direnean kezkatuta egoten naiz.
Futboleko albisteen bat. Athletic-ek liga irabazi duela entzutea ondo egongo litzateke.	Irratia piztean. Zein albiste entzun nahiko zenuke?	Irratian ez ditut albisteak entzuten, musika entzutea gustatzen zait. Etxeko lanak egiteko beti jartzen dut musika.

Barren Elgoibarko aldizkari digitala (Moldatuta)

01

Zer nolako programak ikusten dituzte telebistan?

- A. Kirolak.
- B. Txapelketak.
- C. Denbora pasatzeko programak.
- D. Albisteak edo informazioa ematen dituztenak.

02

Kirola egiten al dute?

- A. Bai, biek.
- B. Bai, futbola.
- C. Ez; galduta dabilta gai horretan.
- D. Zaleak dira baina haiek ez dute egiten.

03

Bilobak futbol zelai berria nahi du eta amonak igogailu bat. Nori eskatuko liokete?

- A. Familiari.
- B. Auzoko elkarteari.
- C. Elgoibarko alkateari.
- D. Elgoibarko bizilagunei.

04

Zelako informazioa ematen da testuan?

- A. Albisteak.
- B. Iritzi pertsonalak.
- C. Gai batzuei buruzko azalpenak.
- D. Gai batzuei buruz alde edo aurkako arrazoiak.

05

Erreparaiozu bi argazkien artean dagoen galdera ikurrari. Zer adierazten du?

- A. Zer erantzungo duten ez dakigula.
- B. Oso erantzun harrigarriak eman dituztela.
- C. Iraitzek eta Belenek ez dakitela zer erantzun.
- D. Asmatu behar dugula nork egin duen galdetegia.

06

Zure ustez, zertarako egin dizkiete galderak ume bati eta amona bati?

- A. Adineko jendea kirola egiten animatzeko.
- B. Herritarren zaletasunen zerrenda osatzeko.
- C. Adin desberdinetako pertsonen interesak azaltzeko.
- D. Familiako kideen arteko desadostasunak agerian uzteko.

07

Hauetariko zeintzuk gai jorratu dute galderak egitean? Klikatu 3 aukera egokiak.

GAIAK	
Interesak	
Musika	
Nahiak	
Familia	
Gustuak	
Ikasketak	